

Dumonda Tenchio concernent la posiziun giuridica da «gruppas da gieu» che tگیرan uffants en il chantun Grischun

Purschidas da la tgira d'uffants complementara a la famiglia èn suttamessas ozendi ad in grond dumber da prescripziuns legalas, en spezial areguard la qualitat da la tgira d'uffants (en emprima lingua pretensiuns envers la scolaziun dal persunal engaschà), per vegnir renconuschidas dal chantun, per survegnir contribuziuns correspundentas e per insumma pudair vegnir manadas cun ina permissiun.

Cunzunt a Cuira e conturns, ma er en l'ulteriur territori dal chantun Grischun, porschan actualmain bleras personas/instituziuns durant l'avantmezdi ed il suentermezdi (mintgatant incl. maisa da mezdi) servetschs da tgira per uffants che na van anc betg a scola per pretschs fixes sut il titel «gruppa da gieu», senza che quellas stuessan observar pretensiuns dal chantun concernent la qualitat da la tgira d'uffants u senza ch'ellas fissan suttamessas a la sorveglianza dal chantun. Da quests purschiders na vegni er betg pretendi d'annunziar talas purschidas u da dumandar ina permissiun per quellas. Las «gruppas da gieu» na vegnan betg mo duvradas – sco pli baud savens – per paucas uras, mabain permettan er mintgatant als geniturs dad ir a lavurar. Tenor l'art. 14 al. 1 da la lescha chantunala davart ils uffants confidads dovri ina permissiun tranter auter er per recepir uffants e giuvenils, sch'i vegnan purschidas quatter u dapli plazzas per educar u per tگیرar personas minorennas durant il di.

Sulettamain la circumstanza ch'i na vegn mintgatant betg purschida ina maisa da mezdi, na po betg esser il criteri decisiv per betg suttametter la purschida a l'obligaziun da dumandar ina permissiun, er perquai ch'ils uffants vegnan tگیرads mintgatant durant l'entir avantmezdi e suentermezdi, pia che questa circumstanza per il bainstar da l'uffant pretenda che las purschidas extendidas – cuntrari a pli baud – duain correspunder a pretensiuns minimalas envers la qualitat da la tgira d'uffants.

Las sutsegnadras ed ils sutsegnaders tschentan las suandantas dumondas en connex cun las «gruppas da gieu» menziunadas:

- a) Èsi correct che las purschidas da «gruppas da gieu» odiernas na ston betg vegnir annunziadas, na dovran nagina permissiun e n'èn betg suttamessas ad ina sorveglianza chantunala?
Sche gea, pertge?
- b) È la regenza pronta da procurar ch'i vegnia statui en l'avegnir in'obligaziun da dumandar ina permissiun per «gruppas da gieu» cun ina purschida da tgira extendida, per ch'i valian tschertas pretensiuns da qualitat e disposiziuns da sorveglianza er per quellas?
Sche gea, co e fin cura?

Cuira, ils 6 da december 2017

Tenchio, Waidacher, Locher Benguerel, Atanes, Bondolfi, Bucher-Brini, Cahenzli-Philipp, Caluori, Casty, Caviezel (Cuira), Della Vedova, Engler (Tavau Vitg), Epp, Fasani, Hitz-Rusch, Holzinger-Loretz, Jaag, Kunfermann, Märchy-Caduff, Monigatti, Noi-Togni, Papa, Perl, Peyer, Pult, Steiger, Stiffler (Cuira), Tomaschett-Berther (Trun), Troncana-Sauer, Widmer-Spreiter, Berther (Segnas), Pfister